

Ho Rata Mohau



Sabatha Mantsiboea

Bakeng sa Thuto ea Beke ena Bala:

Matt. 6:25–33; Jakobo 1:5–8; 2:15, 16; Esa. 52:7; 1 John 3:16–18; Esa. 58:1–10.

Temana ea Khopolo:

“Lefifing, leseli le chabela ea lokileng; o mohau, o lereko, o lokile. Ho lehlohonolo ea fanang, ea alimanang; nycoe ea hae e tla emeloa kahlolong” (*Ps. 112:4, 5*).

Joalo ka re bone, Bible e tletse ka litlhaloso tsa cheseho ea Molimo khathatsehong ea hae bakeng sa bahlophahi le ba hateletsoeng, hape le memo bakeng sa batho ba hae ho ba sebeletsa. Ho sa natsoe thahasello lintlheng tsena, thomo ea Bible e bile fela karoloana ea phethahatso 'me e tla phetheha fela ka ho khutla ha Krete le liketsahalo tse hlolang tse tla latela. Ho fihlela nako eo, bokhopo bo ntse bo fetella makhoa e mengata, ka tšusumetso ea meea ea lefifi ea diabolosi le mangelo a hae. Bokhopo bona bo bonahatsoa haholo ke bofuma, likhoka, khatello, bokhoba, tlatlapo, boikhabo, le bokhonatha. Lefatšeng le joalo, metse ea rōna, likereke tsa rōna, le malapa a rōna, a hloka ho ema khahlanong le bokhopo bona ho sa tsotellehe hore na ho thata ha kae ka linako tse ling ho etsa joalo. Karabo ea lerato le litaello tsa Molimo, ho phela leseling la bosebeletsi le sehlabelo sa Jesu ka matla le tataiso ea boteng ba Moea o Halalelang, re lokela ho ba le kutloelo bohloko, re be le boqapi, le ho ba sebete ho batleng hore “u etse se lokileng, u rate bokhabane, le ho tsamaea ka boikokobetso le Molimo oa hao” (*Mik. 6:8*).

**Ithute thuto ea beke ena ho lokisetsa Sabatha sa la, Loetse 21.*

Tse Tlang Pele tsa 'Musu

Joalo ka ha ho ile ha hlakisoa lithutong tsa Jesu le lingoli tsa Testamente e Ncha, bao ba khethang ho phela e le litho tsa 'musu oa Molimo ba phela ka lenane le fapaneng la mekhoha le tse tlang pele ho la lefatše.

Bala Mattheu 6:25–33. Ke tiisetso efe eo re e fuoang litemaneng tsee, 'me na tiisetso ee e lokela ho ama lintho tse tlang pele ho rōna?

Jesu o rutile hore “bophelo bo fetisa lijo, le 'mele o fitisa liaparo” (Matt. 6:25). Lintho tsena li bohlokoa, ruri, empa re lokela ho li sheba ka leseli la 'musu oa Molimo, e leng se bolelang hore re lokela ho beha tse tlang pele maphelong a rōna hantle ka litsela tse utloahalang. Ha re ela hloko pitso ea Bibehe ho phahamisa le ho hlokomela ba bang, memo ena hape e fetoha e 'ngoe ea tse tlang pele ho rōna re ba batlang ho latela likhatong tsa Jesu. Hantle memo ena e lokela ho re thusa ho shebana hanyane le rōna le ho sheba haholo ho ba bang.

Lenane lena le fapaneng la tse tlang pele hape le fetola likamano le ba matleng holim'a rōna le ba hateletsoeng. Leha Bibehe e laela Bakreste ho hlompha le ho utloa mebuso ea bona, ka moo ho ka khonehang (sheba, ka mohlala, Ba-Roma. 13:1–7), hape ho tla ntlha eo re hlokang ho bua mantsoe a Petrose: “Re lokela ho utloa Molimo ho e-na le batho!” (Lik. 5:29). Jesu o beha motheo ona ka ho lekana karabong ea hae ho ba neng ba leka ho mo leka potsong ena: “neang Caesare seng sa Caesare, le Molimo seng sa Molimo” (Matt. 22:21). Ba nang le matla, e ka ba pusong kapa ka litsela tse ling, hangata ba tiisa le ho boloka matla a bona ka litšoso kapa ka mahahapa. Joalo ka ha re bone bophelong ba Jesu, ba tšepahalang ba phelang ha se kamehla le maemong ohle ba hlokang ho tlolisa bokhopo mahlo. Ka mohlala, ho sebetsa le bokhoba America, Ellen G. White o ile a ngola: “Ha melao ea batho e hohlana le lentsoe le molao oa Molimo, re lokela ho utloa ea morao, ho sa tsotellehe litholoana. Molao oa naha ea rōna o re batlang hore re khutlisetse lekhoba ho mong'a lona, ha rea lokela ho o utloa; 'me re lokela ho ikobela litlamorao tsa ho tloa molao ona. Lekhoba ha se thepa ea motho ofe kapa ofe. Molimo ke eena mong'a hae ea loketseng, 'me motho ha ana tokelo ea ho inkela 'mopo oa Molimo matsohong a hae, 'me a re ke oa hae.” — *Testimonies for the Church*, vol. 1, pp. 201, 202.

Moeli o ho kae ho utloeng ba boholong le ho emela bao e ka bang mahlatsipa a matla a khatello?

Bofokoli Kutloelo Bohlokong

Ho hana khonahalo ea ho lumella merero e molemo ea rōna e imeloe ke “bobe bo tletseng lefatše,” ba bangata ba rōna ba ka rata ho etsa haholo ho etsa phapano maphelong a ba mahlomoleng. Ho na le maitšoaro a ’maloa le liketso tse re thusang ho etsa karabelo tse molemo ho ba hlokang.

Kutloelo bohloko: joalo ka ha re bone, ho ela hloko bohloko le ho kena eteng tsa ba utloang bohloko ke likhato tsa pele. Re hloka ho hola le ho boloka-kelelo hloko ea rōna bohlokong. Kajeno, batho ba bua ka “bofokoli ba kutloelo-bohloko,” taba ea hore re se re tloaelanang haholo le matšoenyeho le tlokotsi hoo boholo ba rōna re khathalang ke lisosa tse ngata tse batlang matla a maikutlo a rōna le tšehetso ea lichelete. Jesu o ne a le hlokolosi ka bobe le bohloko bo neng bo mo potile; empa, o ile a lula a na le kutloelo-bohloko. Le rōna re lokela ho ba joalo.

Thuto: Ka ha maemo a mangata a ho hloka toka le bofuma a thatafetse, ho mamela le ho utloa ka moo re ka khonang ka maemo ana ho bohlokoa. Ho bile le mehlala e mengata moo batho ba maikemisetso a matle ba ileng ba baka tšenyō maphelong a batho ka ho leka ho ba thusa. Leha sena e se ho ikarabella ka ho se etse letho, re hloka ho batla ho ba karolo ka litsela tse hlakileng le tse nahannoeng hantle.

Thapelo: Ha re bona bothata, khopolo ea rōna ea pele ke ho nka “khato”. Empa Bibe le re hopotsa hore thapelo ka khato. Re ka etsa phapang maphelong a mafutsana le ba hateletsoeng ka lithapelo tsa rōna bakeng sa bona le ba nang le matla holima bona (sheba 1 Tim. 2:1, 2), ’moho le ho batla tataiso ea Molimo ka moo re ka arabelang ho fana ka thuso ho ea pele (sheba Liprov. 2:7, 8).

Litebello: Ntlha e ’ngoe ea bohlokoa ke ho sebeletsa ho fokotsa bohloko le hoba le litebello tse nepahetseng, ho latela bothata ba sechaba, le sepolotiki, le maemo a botho. Tšepo ea rōna e lokela e be ho fa batho khetho le menyetla eo ba neng ba ke ke ba ba le eona. Ka linako tse ling seo batho ba se etsang ka menyetla ena se tla re soabisa, empa re lokela ho hlompha liqeto tsa bona. Ka litsela re ka leka ho sebeletsa molemong oa ba leng mahlomoleng, ntlha ea rōna ea tsamaiso le tataiso e lokela ho ba “tsohle tseo le ratang hore batho ba le etse tsona, ba etseng tsona le lōna” (Matt. 7:12).

Bala Jakobo 1:5–8. Ke karolo eo thapelo e lokelang ho bapala liketsong tsa Mokreste? Jakobo 2:15, 16 e khothaletsa eng ka moo re lokelang ho kenya letsoho ho arabeleng lithapelo bakeng sa ba bang?

Ho Fana ka Thabo

“Molimo o rata ea fanang a thabile” (2 Ba-Kor.. 9:7), ho fana ka thabo ke karolo ea bohlokoa ea bophelo ba Mokreste. Leha re lokela ho lumella Bibehe ho qholotsa ho fana ha rōna le tse tlang pele licheleteng, ho fana ka pelo e thabileng ho fetisa fela ho akhela chelete mosebetsing o itseng, ho sa natsoe hore na o bohlokoa ha kae. Ho e na le hoo, ho fana ka pelo e thabileng ke boitšoaro ba bophelo bo boholo le ntlha ea boleng ho “ba tšabang Mo rena,” joalo ka ha ho bontšitsoe Lipesalemeng tse ’maloa, ho 112: “Ho lehlohonolo ea fanang, ea alimanang; nyecoe ea hae e tla emeloa kahlolong” (Ps. 112:5).

Litemana tse latelang li re ruta eng ka ho fana ka thabo malebana le ba hlokang? Lev. 25:35–37, Ps. 119:36, 2 Ba-Kor.. 8:12–15, 1 John 3:16–18, 1 Tim. 6:17–19.

Mangolong a hae a Testamente e ncha, Paulose khafetsa o bua ka ho fana ka ho thabo ha Molimo—ho bonahalitsoeng ka botlalo ho faneng ha Jesu ka bophelo ba hae bakeng sa rōna—e le mohloli oa tšepo ea Bokreste. Ka lehlakoreng le leng, lefu la hae e bile tšusumetso bakeng sa bophelo ba rōna ba ho fana malebana le ba bang: “Ke kopa hore tumelo ea hao, eo re kopaneng le uena ka eona, e tle e sebetse ka matla, u tle u bontšise molemo oohle o ka etsetsoang Jesu Krete ha eno” (Filem. 1:6). Ho fana ke boitšoaro malebana le bophelo bo pharaletseng, le bo sebetse, le bo akaretsang. Haholo maphelong a rōna ka bo mong, sechabeng, le meetlong, re susumeletsoa ho shebana le bo-’na, ho boloka ka moo re ka khonang bakeng sa rōna. Ha re e tobe, boholo ba rōna boemo ba pele ke ’na, ’na, ’na le ha ho le joalo.

Ha e-ba ke taba ea sebele, tumelo ea rōna e tla re susumeletsa ho shoa bo-’na le ho phelela, haholo ba bang. Tumelo ea rōna e re thusa ho nahana lefatše le batho ba lona joalo ka ha Molimo a ba bona, se leng molemo ho bona le ho soahlamana ha bona, ’me e re susumelletsa ho batla ho thusa ba bohloking, ka mokhoa o khonehang. E le boleng ba ho phela, ho fana ka thabo ho amoheloa kapele ke ba bokellang lichelete tsa lithuso le mekhatlo ea lithuso. Ho fana ho joalo ho ea tšoareha le ho etseha. Empa limpho tse khoho ha li bolele bophelo bo fanang ba thabo (sheba Mareka 12:41–44). Bophelo ba ho fana bo boholo le ho ba bohlokoa ho feta mpho efe kapa efe. Re hloka ho ananela le ho lokisa moea oa ho fana ho tshole tseo re li etsang. Ho batho ba bangata, ho fana ha ho itelele fela tjee ka tlhaho; ke mohau oo re hlokang ho o bontša maphelong a rōna ka morero le sepheo, ho sa tsotellehe letša la boetsalibe le boikhanšo ba botho.

Ntle le ho fana ka chelete, le ha e le ka thabo, ke litsela life tseo re lokelang ho bonahatsa moea oa ho fana?

Ho etsa Khotso

Bala Matheu 5:9. Mofuteng oa lefatše oo re phelang ho oona, ke joang re etsang seo Jesu a se bolelang mo? Qetellong, re ka atleha ho le ho kae? Sheba Mareka 13:7.

Khohlano e kholo ke sesosa se ka pele sa mahlomola. Ho keneletseng tahlehelong ea ntoa ke mahlatsipa ntoeng ka bo eona le maphelo a sireletsoang, sekhahla le lisebelisoa tse sebetsang le thepa ea mabotho eo e ka beng e isitsoe kae kae ho imolla litlhoko tse ling tsa batho le bohloko bo tsoelang pele ba ntoa ho matsipa le linatla tsa ntoa, le hara bona “bahloli.” Joale ho na le likhohlano tse nyenyane tse ngata tse tsietsang maphelo a mangata a malapa le metse. Ka hoo, chesehelo ea toka e ke ke ea tloisoa mahlo, le thomo ea ho bopa khotso. Khubung ea Evangeli ea Jesu ke ketso e kholo ea mohau ea Molimo ea khotso, ho boelanya batho ba baetsalibe le ‘mōpi oa bona (sheba 2 Ba-Kor.. 5:18–21). ’Me poelano eo re e amohetseng e ba mohlala ho rōna hore re be “mangosa” a poelano ea hae ho ba bang le rōna.

Esaia 52:7. Ke joang re phelang temana ee hape?

Evangeli ea khotso hape e ba tšusumetso, mohlala, le mohloli oa ho sebeletsa khotso lefatšeng la rōna le tletseng pefo: “Pelo e tsamaelanang le Molimo e nka karolo khotsong ea leholimo ’me e tla lokolla mahlohonolo a tšusumetso a eona ho tsohle tse potileng. Moea oa khotso o tla lula joalo ka phoka holim’a lipelo tse khathetseng le tse khathatschileng le likhohlano tsa lefatše.”—Ellen G. White, *Thoughts From the Mount of Blessing*, p. 28. Thutong ea thabeng, Jesu o itse, “‘Ho lehlohonolo ba etsang khahiso, hobane ba tla reoa bana ba Molimo’” (Matt. 5:9). Ho ntšetsa taba ena pele, ha a ka a tiisa fela taba ea molao khahlanong le ho bolaea, O itse ha rea lokela le ho halefela kapa ho etsa lehloeo (sheba Matt. 5:21–26) le hore re lokela ho rata lira tsa rōna le ho rapella ba re hlorisang (sheba Matt. 5:43–48), ho bolelang hore re lokela ho nka likhato tse matla ho batla se molemong oa bona. Hona le lipale tse ngata tse khothatsang tsa batho ba nehetseng maphelo a bona ho etseng khotso lefatšeng le mathata hohle, ho tlisa tlhase ea poelano le pholo, ’me hangata ba fokotsa boholo ba ho hloka toka le mahlomola a likhohlano tse tlišoang ke hona.

Ke litsela life tseo kereke ea hao ea lehae, boemong ba eona ba lehae, e ka etsang ketso ea khahiso?

Lentsoe la ba se Nang Lentsoe

Solomone o ile a ngola hore ho na le “nako ea ho thola le nako ea ho bua” (Moekl. 3:7). O ne a nepile, 'me ho fumana teka-tekano ea boemo bono ha ho bonolo ho mang kapa mang oa rōna. Leha ho le joalo, ha ho tluoa ho buoeng bakeng sa ba hateletsoeng le ho ba le lentsoe bakeng sa ba se nang lentsoe le ho batla ho hlola bobele ka liketso tse molemo, ho ea khonahala hore re le kereke re entse phoso karolong ea ho khutsa haholo ha lentsoe la rōna le ne le lokela hore e be le utluoe? Bakreste hangata ba buile ka ho ba matsoho le maoto a Jesu, ho supa pitso ea bosebeletsi bakeng sa ba bang joalo ka ha Jesu a ne a ka etsa. Empa boemong ba boporofeta joalo ka ha ho bontšitsoe ka Bibeleng, pitso ea pele ea Molimo ke hore banna le basali e be mantsoe a hae—le ho bua lebitsong la Molimo, hape ho bua lebitsong la Molimo bakeng sa bao a batlang ho ba sireletsa (sheba Ps. 146:6–10).

Bala Esaia 58:1–10. Ke joang oo, o fanoeng ka nako, sebaka le boemo ba teng, li reng ho rōna kajeno nakong, le sebakeng le boemong bo sele? Ho fetohile ha kae lipakeng tsa nako eo Esaia a neng a ngola taba tsee le lefatše la rōna kajeno?

Pitso ea moporofeta ea toka e ne e se tsela ea ho itumisa. Empa ba khothalitsoe ke thomo ea bona ho tsoa ho Molimo, ho utloisisa cheseho ea Molimo bakeng sa toka, ho kena lieteng tsa ba bafutsana le ba hateletsoeng, le ho batla se leng molemo bakeng sa sechaba sa bona, baporofeta bana ba ile ba ba sebete ho ba lentsoe la ba se nang lentsoe nakong ea bona le sebakeng sa bona, ho sa natsoe khanyetso, ho se be monate ho bona, le likotsi (sheba 1 Pet. 3:17). Ho ipapisitsoe le kutloisiso ea rōna ka Evangeli le pitso ea ho bontša Jesu lefatše, baleti (Masala) hape ba na le lintho tse ngata tse molemo tseo ba ka fanang ka tsona malebana le bobele bo lefatšeng.

Joalo ka: “Baleti (Masala) ba lumela hore liketso tsa ho fokotsa bofutsana le ho tsamaea le bona e leng ho hloka toka ke lintho tsa bohlokoa tsa karolo ea boikarabello ba sechaba sa Bokreste. Bibeletse ka ho hlaka e senola thahasello e khethehileng ea Molimo ho bafumanehi le litebello tsa hae tsa hore na o lebelletse hore balateli ba hae ba arabele joang bao ba sitoang ho ithokomela. Batho bohle ba na le setšoantšo sa Molimo 'me ke baamoheli ba lithohanolofatso tsa Molimo (Luka 6:20). Ka ho sebetsa le bafutsana re latela mohlala le thuto ea Jesu (Mattheu 25:35, 36). E le sehlopha sa semoea Baleti ba buella toka ea bafutsana le ho buella bao ba sitoang ho ipuella’ (Liprovebia 31:8) le khahlanong le bao ba ‘amohang mafutsana toka ea ’ona’ (Esaia 10:2). Re nka karolo le Molimo ho ‘batlela ea lesitsi toka.’ (Ps. 140:12).” Seventh-day Adventist Official Statement on Global Poverty, Phuptjane 24, 2010.

Ho Ithuta Haholoanyane:

Bala Ellen G. White, "A Higher Experience," pp. 503–516, in *The Ministry of Healing*; "Duty to the Unfortunate" and "Man's Duty to His Fellow Men," pp. 511–526, in *Testimonies for the Church*, vol. 3; "Doing for Christ," pp. 24–37, in *Testimonies for the Church*, vol. 2.

"Batla leholimong le lefatšeng, 'me ha ho moo 'nete e senotsoeng ka matla a maholo ho feta eo e senotsoeng mesebetsing ea mohau ea ho bao ba hlokang kutloelo bohloko ea rōna le thuso. Ena ke 'nete joalo ka ha e le joalo ho Jesu. Ha bao ba ipolelang ka lebitso la Kreste ba etsa ka metheo ea molao oa bohlokoa, matla a tšoanang a tla latela Evengeli joalo ka nakong ea baapostola."—Ellen G. White, *Thoughts FBa-Roma the Mount of Blessing*, p. 137.

"Lerato le matla bakeng sa Molimo le lerato le se nang boikhabo ho batho ba bang—ena ke mpho e fetisang eo Ntat'a rōna ea maholimong a ka fanang ka eona. Lerato lena ha se la ho ithatela ha motho, empa motheo oa leholimo, matla a teng kamehla. Pelo ea ea sa inehelang e ke ke ea le hlhisa kapa ea thoma. Ke pelo fela eo Jesu a busang le e fumanoang. . . . Lerato lena, le amoheloang moeeng, le natefisa bophelo le ho fana ka tšusumetso e ntle ho bohle ba haufi."—Ellen G. White, *The Lik. of the Apostles*, p. 551.

Lipotso tsa Puisano:

1. Joalo ka ha re bone thutong ea beke ena, Evangeli e tsoela pele ho ba thebe le tšusumetso ea ho nka khato lebitsong la ba bang, joalo ka ha Jesu a nkile khato lebitsong la rōna. Ke joang see se pharalalitseng kutloisiso ea hao le ho ananela litaba tse molemo tsa seo Molimo a se entseng bakeng sa rōna le ka moo a bontšang lerato bakeng s rōna?
2. Ho phahamisa lentsoe la rōna bakeng sa ba hlokang lentsoe, ho kenya letsoho popong ea khotso, le liketsong tse tšoanang ho ka re hulela sechabeng le mapatlelong a sepolotiki. Leha ho joalo, kereke ea Baleti e bile mpoli ea karohano ea kereke le 'muso. Phapano ke efe lipakeng tsa ho ba karolo ea lipolotiki ka tsela e seng ntle le ho buella le ho sebeletsa khotso mapatlelong a sechaba?
3. Ke khato efe e le 'ngoe kapa ketso eo ho builoeng ka eona thutong ea beke ee eo u lakatsang ho ikela eona bophelong bahao le ba motse oa heno? U ka etsa joang hore e etsahale?
4. Ke ntlha efe ea bobbe le khatello eo entseng qeto ea ho rapela ka eona motseng oa heno kapa lefatšeng ka bophara?

Kakaretso:

Ho ba molateli oa Jesu ho tla fetola maphelo a rōna ka litsela tse ngata, ho kenyeletsa le ho hlhisa ka hare ho rōna cheseho ea ho kopana le Molimo cheshong ea hae e matla bakeng sa bafutsana le ba khelloang tlase. Ha se mosebetsi o bobebe le o tloaelehileng, sena se tla fetola tse tlang pele le ho re susumeletsa ho nka khato malebana le ho folisa ba utloileng bohloko lefatšeng le re potileng.